

Transkription von Urkunde HGW 1394a

Ort, Datierung: Greifswald, 1394-12-21

Signatur: Stadtarchiv Hansestadt Greifswald, U180 [Rep. 2 Nr. 181] [\[online\]](#)

Inhalt: Henningh Wampen und Herman Bretekow: Jährliche Zuwendung an den Rat der Stadt

Jn ghodes namen amen vor alle den Jenen de dessen breff zeen edder horen lezen bekenne yk
hen(n)ingh / wampen van mynes wyues weghene de een dochter ys her peter bretekowe(n)
ra(a)tman(ne) by zyme leue(n)de / thũ(m)me g(ri)peswolde deme ghod gnedych sȳ vnde yk herman
bretekow een zone des sulue(n) her peters / dat wy myt wolberadenen mũde myd vulbord alle der
Jenen der ere vulbort thũ desser na screuen / sake thũ eschende vnde thũ hebbende was vredelken
vn(de) rechtlyken vor koft hebben vnde ghe lathe(n) vn(de) van vzer ernamen vnde nakomelynghen
weghene vor kopenen vnde lathen an desser Scrȳft den / erlyken buschedene(n) . mannen den
Ratma(n)nen der Stad g(ri)peswold vnde den armen in deme ghodeshuse / des hylghen ghȳstes vor der
stad g(ri)peswold , den armen thu der hand be hũf vnde mitlycheyd ¹ twyntȳch / hunere vnde enen
dach deenst(e) an deme dorpe thũ ane olden kerkdorpe an eme kochen . vn(de) van syner / thũ
beherynghe dar nũ ane wont vnde buwet clawes vytte theyn hunere vn(de) ene(n) dachdeenst vn(de)
van / ener kochen wũrt de nũ buwet clawes wedeghe teyn hũnere alle gar vp thũ borende vnde thu
entfan=/ghende vp sunthe mertens dach des hylghen byscopes vn(de) vredelken thũ ewyghen tyden
thu besyttende / alzo alze vze vader vnde voruaren de twynthyh hũnere vn(de) den dach deenst
besetten heft vn(de) vs / ghe eruet vnde lathen heft vnde beholden vs vnde vzen eruen dar altes nȳcht
ane de twyntich yth hynere / vnde den dach deenst hebbe wy he(n)ny(n)gh vnde herman van vzer
vn(de) vzer ernamen vn(de) nakomelynghe(n) / weghene den ratma(n)nen der stad g(ri)peswold
vorben(omede) vn(de) den armen vorb(enomeden) vs he(n)ny(n)ghen h(er)ma(n)ne / ghetalet vnde
thũ ener ewighe betalet hebben eer desse breff ghe gheuen redelken vorlathen Thũ / merer
bewarynghe vnde bekantnisse zo hebbe wy he(n)ny(n)gh vnde herman vorben(omede) vanvzer vnde
vzer / ernamen weghene vze Jnghezeghele myd ghũden wyllen myt gantzer wytscop vnde vordanken /
henghet vor dessen breff De gheuen vnde screuen yȳs thũ me g(ri)peswolde na ghodes bort
drut=/teynhundert jar In deme veer vnde neghentyghsten Jare des hylghen apostels daghe Sunte /
thomas

¹ Verschreibung: *mitlycheyd*